

**GIPUZKOAKO ENERGIA BALORIZAZIORAKO**  
**PLANTAREN DISEINUA ETA LIZITAZIOA OBRA**  
**PUBLIKO GISA EGITEKO AHOLKULARITZA**  
**JURIDIKOA EMATEKO KONTRATUAREN**  
**LIZITAZIOA ARAUTUKO DUTEN BALDINTZA**  
**ADMINISTRATIBO BEREZIEN AGIRIA**

## AURKIBIDEA

<b>I. KAPITULUA: XEDAPEN OROKORRAK.....</b>	<b>1</b>
1 KONTRATUAREN XEDEA.....	1
2 KONTRATUAREN IZAERA ETA ARAUBIDE JURIDIKOA .....	1
3 ENTITATE KONTRATATZAILEA ETA KONTRATAZIO-ORGANOA .....	2
4 KONTRATUAREN EPEAK.....	2
5 LIZITAZIOAREN OINARRIZKO AURREKONTUA ETA KONTRATUAREN PREZIOA.....	3
6 ORDAINTZEKO MODUA.....	3
7 PREZIOAK BERRIKUSTEA .....	3
8 KONTRATUAREN DOKUMENTUAK ETA KONTRAESANAREN KLAUSULA OROKORRA.....	4
9 KONTRATATZAILEAREN PROFILA .....	4
10 PUBLIZITATEA .....	4
11 JURISDIKZIOA.....	4
<b>II. KAPITULUA: KONTRATUA ESLEITZEKO PROZEDURA ETA MODUA.....</b>	<b>5</b>
12 ESLEIPENAREN PROZEDURA ETA MODUA .....	5
13 GAITASUN-BALDINTZAK .....	5
14 PROPOSAMENAK AURKEZTEKO LEKUA ETA EPEA.....	6
15 DOKUMENTAZIOAK BETE BEHARREKO BALDINTZAK .....	7
16 PROPOSAMENAK AURKEZTEKO MODUA.....	8
17 BEHIN-BEHINEKO BERMEAK ERATZEA .....	14
18 AURKEZTUTAKO ESKAINTZAK BALORATZEKO IRIZPIDEAK.....	15
19 PROPOSAMEN NEURRIGABEAK EDO OHIZ KANPOKOAK.....	16
20 PROPOSAMENAK IREKITZEA, ESKAINTZAK SAILKATZEA ETA KONTRATUA ESLEITZEA.....	17
20.1 . ESKAINTZAK SAILKATZEA.....	17

20.2	. ESLEIPENA.....	18
20.3	. ESLEIPENA JAKINARAZTEA.....	18
20.4	. ESLEIPENA EBAZTEA.....	19
20.5	DOKUMENTAZIOA ZAINTEA.....	19
<b>21</b>	<b>ESLEIPENDUNAK AURKEZTU BEHARREKO DOKUMENTUAK.....</b>	<b>19</b>
<b>22</b>	<b>BEHIN BETIKO BERMEA.....</b>	<b>19</b>
<b>23</b>	<b>KONTRATUA BURUTZEA ETA FORMALIZATZEA.....</b>	<b>20</b>
23.1	KONTRATUA FORMALIZATZEA.....	20
23.2	EZ FORMALIZATZEAREN ERAGINAK.....	21
<b>III.</b>	<b>KAPITULUA: ALDERDIEN ESKUBIDEAK ETA BETEBEHARRAK.....</b>	<b>21</b>
<b>24</b>	<b>KONTRATISTAREN ESKUBIDEAK.....</b>	<b>21</b>
24.1	KONTRAPRESTAZIOA JASOTZEKO ESKUBIDEA.....	21
24.2	KONTRATUA LAGATZEA.....	22
24.3	AZPIKONTRATATZEA.....	22
<b>25</b>	<b>KONTRATISTAREN BETEBEHARRAK.....</b>	<b>22</b>
25.1	BEHARREZKO LANGILEAK.....	23
25.2	KONFIDENTZIALTASUNA.....	23
<b>26</b>	<b>KONTRATAZIO-ORGANOAREN ESKUBIDEAK (GHK-KO ADMINISTRAZIO- KONTSEILUA).....</b>	<b>24</b>
26.1	KONTRATUA ALDATZEA.....	24
26.2	APLIKATZEKO DEN ARAUDIAN AITORTUTAKO ESKUBIDEAK.....	24
<b>27</b>	<b>KONTRATAZIO-ORGANOAREN BETEBEHARRAK.....</b>	<b>24</b>
<b>IV.</b>	<b>KAPITULUA: KONTRATUA GAUZATZEAREN GARAPENA ETA JARRAIPENA.....</b>	<b>25</b>
<b>28</b>	<b>ZERBITZUAK ESKAINTZEN HASTEA.....</b>	<b>25</b>
<b>29</b>	<b>ARRISKUA ETA MENTURA ZERBITZUAK GAUZATZEAN.....</b>	<b>25</b>
<b>30</b>	<b>BERMEAREN EPEA.....</b>	<b>25</b>
<b>31</b>	<b>BERMEAREN EPEAREN AMAIERAKO ZIURTAGIRIA.....</b>	<b>25</b>
<b>V.</b>	<b>KAPITULUA: DIZIPLINA-ARAUBIDEA.....</b>	<b>26</b>

<b>32</b>	<b>EZ BETETZEAK.....</b>	<b>26</b>
32.1	EZ BETETZE LARRIAK.....	26
32.2	EZ BETETZE ARINAK.....	27
<b>33</b>	<b>ZIGORRAK.....</b>	<b>27</b>
33.1	ZIGORREN ARAUBIDEA.....	27
33.2	ZIGORRAK MAILAKATZEA.....	28
33.3	ZIGORRAK ETA ISUN HERTSATZAILEAK EGUNERATZEA.....	28
<b>VI. KAPITULUA: KONTRATUAREN AMAIERA.....</b>		<b>28</b>
<b>34</b>	<b>KONTRATUAREN AMAIERA.....</b>	<b>28</b>
34.1	KONTRATUA BETETZEA.....	28
34.2	KONTRATUA SUNTSIARAZTEA.....	29
<b>I. ERANSKINA. ARDURAPEKO ADIERAZPENAREN EREDUA.....</b>		<b>31</b>
<b>II. ERANSKINA. PROPOSAMENA GHK-KO SARRERA-ERREGISTROAN ENTREGATZEKO EREDUA.....</b>		<b>32</b>
<b>III. ERANSKINA. ENPRESA ATZERRITARREN ADIERAZPENA.....</b>		<b>33</b>
<b>IV. ERANSKINA. KOMUNIKAZIOETARAKO HELBIDE ELEKTRONIKOA(K).....</b>		<b>34</b>
<b>V. ERANSKINA. PROPOSAMEN EKONOMIKOAREN EREDUA.....</b>		<b>35</b>
<b>VI. ERANSKINA. ENPRESEN ESPERIENTZIA TAULA EREDUA.....</b>		<b>36</b>

## **I. KAPITULUA: XEDAPEN OROKORRAK**

Baldintza Agiri honetan biltzen dira **GIPUZKOAKO ENERGIA BALORIZAZIORAKO PLANTAREN DISEINUA ETA LIZITAZIOA OBRA PUBLIKO GISA EGITEKO AHOHKULARITZA JURIDIKOA EMATEKO** zerbitzuaren kontratazio-prozedura arautuko duten baldintza administratibo bereziak, hain zuzen ere GHK merkataritza-sozietateak, Gipuzkoako Hondakinen Kontsortzioaren izen eta kontura esleituko duenarenak.

### **1 KONTRATUAREN XEDEA**

Kontratu honen xedea da kudeaketa-eredu berriaren behin betiko egitura zehazten laguntzea, baita hori aplikatzen laguntzea ere: kontratua idaztea hori onartzen den arte, eta lizitazio-prozesuan zehar ere laguntza ematea, kontratua sinatzen denean aplikatzen den arte.

Aztertzea Gipuzkoako Foru Aldundiak eman dezakeen kapital-laguntza teoriko bat, edo Aldundiak bere garaian GHKZren % 33 finantzatzeko hartu zituen konpromisoen isla gisa ematea aurreikusten den aurrekontu-laguntza, seguruenik modu diferituan ematekoa bera, bateragarriak diren estatu-laguntzei buruzko erregulazioarekiko.

Laguntza hori inplementatzeko aukeren artean, eta aholkulari juridikoak egin beharko duen analisia hor egongo bada ere, aztertzen ari da eraikuntzan zehar kapital-laguntza gisa ordaintzea (hori da aukeren artean desegokiena), PPP sozietateari ordainsariaren parte bat zuzenean ordaintzea, edo kontsortzioari zenbateko horiek ordaintzea, hain zuzen kontsortzioak emakidadunari ordain diezazkion, edo kopuru horiek GHKri ordaintzea, honek likidatu ditzan GHKren tarifako sarreraren eta beste sarrera batzuen kargura egin beharreko guztirako ordainketen barnean.

Kontratastak kontratu honen xede diren prestazioak egingo ditu baldintza-agiri honetan eta baldintza teknikoan agirian eta kontratu izaera duten gainerako dokumentuetan aurreikusitakoaren arabera, baldintza-agiri honen 6. klausulan ezarritakoaren arabera.

Kontratu-eredua zehaztuta eta onartuta dago: lehiaketa ireki bidez lizitatuko den obra publikoko emakida izango da, horrelako prozedura arautzen duten baldintza-agiri teknikoan xedatutako baldintzetan egingo dena.

### **2 KONTRATUAREN IZAERA ETA ARAUBIDE JURIDIKOA**

Kontratu honek izaera pribatua du, Sektore Publikoko Kontratuen Legearen Testu Bategina (aurrerantzean SPKLTB) onartzen duen azaroaren 14ko 3/2011 Errege Dekretu Legegilearen 20.1. artikulua arabera, eta Baldintza Administratibo Berezien Agiri honetan (aurrerantzean BABA edo baldintza-agiria) eta bere eranskin guztietan, Baldintza Teknikoen Agirian eta kontratuaren gainerako dokumentu guztietan xedatutakoa beteko du [8. klausulan](#) ezarritako moduan.

Kontratuak, prestaketari, esleipenari, ondorioei eta amaierari dagokienez, Baldintza Ekonomiko-administratiboan Agiri hau, Baldintza Teknikoen Agiria, GHKko Kontratazioaren Barne Jarraibideak eta, horietan aurreikusten ez denerako, zuzenbide pribatuaren arauak beteko ditu.

Gainera, SPKLTB eta Herri Administrazioen Kontratuen Legearen Erregelamendu Orokorra (aurrerantzean, HAKLEO) aplikatu beharko dira baldintza-agiri honek espreski testu arauemaile horietara igortzen duenean.

Kontratua, eta adostutakoa gauzatzean aplikagarriak diren gainerako edozein motako kontratu-dokumentuak ez ezagutzeak, edozein terminotan, ez du esleipenduna horiek betetzeko duen betebeharretik salbuetsiko.

### **3 ENTITATE KONTRATATZAILEA ETA KONTRATAZIO-ORGANOA**

Entitate kontratatzailea GIPUZKOAKO HONDAKINEN KUDEAKETA, S.A.U. sozietatea da (aurrerantzean, GHK).

Kontratu honen kontratazio-organoa GHKren Administrazio-kontseilua da, eta honek, kasua balitz eta aplikatu beharreko zuzenbide pribatuaren arauen arabera, berariazko ahalmena eman ahal izango die jarduera jakin batzuek gauzatzeko egokitzat deritzen pertsoneri.

### **4 KONTRATUAREN EPEAK**

Iraupena 12 hilabetekoa izango da gehienez, kontratua sinatzen den momentutik aurrera.

Epe hauek zehaztuko dira:

- Baldintza agiriak idatzi eta diseinu-lanak egiteko helburutzat jarri den epea 3 hilabetekoa da. Litzitazioa 4. hilabete hasieran egingo da, lanei hasiera ematen zaienean. Edonola ere, aholkularitza-zerbitzu horren esleipendunak baldintza-agiriaren lehenengo zirriborro bat prest eduki beharko du, entregatzeko moduan alegia, bi hilabeteko epean; eta behin betiko zirriborro bat hiru hilabeteko epean, eskaintzan egin daitezkeen hobekuntza-konpromisoak eragotzi gabe.
- hiru hilabeteko epea ezarriko da eskaintzak aurkezteko,
- hilabeteko epea eskaintzen ebaluazioa egiteko, eta
- beste hilabete eta erdiko epea kontratua sinatu arte.

Litzitazio-epe horiek luzatzeko arriskua aholkulariak bere gain hartuko duela jotzen da, kontraturako aurreikusitako gehienezko epearen mugara iritsi arte.

## **5 LIZITAZIOAREN OINARRIZKO AURREKONTUA ETA KONTRATUAREN PREZIOA**

Kontratu honen lizitazioaren oinarrizko aurrekontua **EHUN ETA BERROGEITA ZORTZI MILA EUROKO (148.000,00€)** (BEZ gabe) zenbatekoan finkatu da; kontratuaren epe osoari dagokio, hau da, epe nagusia gehi luzapena (egiten bada).

Kontratu honen prezioa esleipendunaren eskaintza ekonomikotik eratorzen dena izango da. Kasu guztietan, kontratuaren prezioak ezingo du gainditu lizitazioaren oinarrizko aurrekontua, BEZ gabe. Zenbateko hori gainditzen duten proposamenak ez dira onartuko.

Ulertuko da kontratuaren prezioaren barruan daudela aplikatu beharreko edozein motako zerga, tasa eta kanonak, baita baldintza-agiri honetan eta kontratuaren gainerako dokumentuetan aurreikusitako betebeharrak betetzetik kontratistarentzat sortzen den bestelako gastu oro ere.

Ez da onartzen prezioen berrikuspena.

## **6 ORDAINTZEKO MODUA**

Fakturak ordaintzeko epe orokorra fakturaren datatik zenbatzen hasita hirurogei egunekoa izango da, eta hori GHKri jakinarazi behar zaio egiten denetik gehienez zazpi eguneko epean.

GHKk ordainketak banku transferentzia bidez egingo ditu.

Ez da inolako ordainketarik egingo aurretiaz GHKk faktura onartu ez badu.

Fakturazio-plana

% 30 baldintza-agiriaren lehenengo zirriborroa entregatzean

% 40 baldintza-agiriaren behin betiko bertsioa entregatzean

% 10 lizitazioa egiten den datan

% 20 emakida-kontratua sinatzen denean

## **7 PREZIOAK BERRIKUSTEA**

Kontratua kontratistaren arrisku eta menturara gauzatuko da, eta ez dira prezioak berrikusiko.

## **8 KONTRATUAREN DOKUMENTUAK ETA KONTRAESANAREN KLAUSULA OROKORRA**

Kontratu izaera izango dute eta, beraz, alderdiek derrigorrean bete beharko dituzte ondoko dokumentuak eta dagozkien eranskinak:

1. Baldintza Administratibo Berezien Agiri hau.
2. Baldintza Tekniko Berezien Agiria, Baldintza Administratibo Berezien Agiriarekin kontraesanean ez dagoen guztian.
3. Kontratua formalizatzeko dokumentua eta horren ondoren sinatuko diren kontratua garatzeko dokumentuak.
4. Esleipendunak aurkeztutako eskaintza.

Esleipendunak dokumentu horiek sinatu beharko ditu horiekin ados dagoela adierazteko, kontratua formalizatzeko orduan.

Dokumentuen terminoetan kontraesanen bat badago, dokumentu horiek interpretatzeko kontuan hartuko da klausula honetan zein ordenatan zerrendatzen diren, eta lehentasuna izango du zerrendan aurretik agertzen denak.

## **9 KONTRATATZAILEAREN PROFILA**

Gardentasuna eta kontratu-jarduerari buruzko informazioa publikoki eskuratzea ziurtatzeko xedearekin, eta SPKLTBak eskatutako kasuetan bestelako publizitate-bideak erabiltzea eragotzi gabe, lizitatzailleek GHKren kontratatzailearen profilerara sartu ahalko dute Interneteko atariaren bidez: <http://www.ghk.eus>.

## **10 PUBLIZITATEA**

Kontratuaren lizitazio hau eta esleipena GHKren kontratatzailearen profilean argitaratuko dira.

## **11 JURISDIKZIOA**

Jurisdikzio zibilak eskumena izango du alderdien artean kontratuaren prestaketari, esleipenari, ondorioei, betetzeari eta amaierari dagokienez sortzen diren eztabaidak ebazteko, SPKLTBko 21.2. artikulua ezartzen duen bezala.



## **II. KAPITULUA: KONTRATUA ESLEITZEKO PROZEDURA ETA MODUA**

### **12 ESLEIPENAREN PROZEDURA ETA MODUA**

Kontratu hau prozedura negoziatu publizatedunaren bidez esleituko zaio eskaintza tekniko-ekonomiko onuragarriena egin duen lizitzaileari.

### **13 GAITASUN-BALDINTZAK**

1. GHKrekin kontratua egin ahal izango dute, banaka nahiz taldeka,  jarduteko gaitasun osoa duten eta kontratatzeko debekurik ez duten  pertsona natural edo juridiko espainiar nahiz atzerritarrek.

Ezingo dute lizitazioan parte hartu espezifikazio teknikoak edo kontratua prestatzeko dokumentuak lantzen parte hartu duten enpresek, parte-hartze horrek lehia mugatzea ekar badezake edo lizitazioan sartzen diren beste enpresen aldean pribilegiozko tratua badakarkie.

2.  Enpresariak  kontratuaren helburu den jarduera edo prestazioa gauzatzeko galdagarria den  gaikuntza profesionala  edo enpresa-gaikuntza izan beharko dute, halakorik bada.

Pertsona juridikoak kontratuaren esleipendun izateko, ezinbestekoa izango da kontratuaren prestazioak haien estatutuen edo fundazio-arauen arabera berezkoak dituzten xedeetan, helburuaren edo esparruaren barruan egotea.

3. Nolanahi ere, GHKrekin kontratua egin ahal izango dute Europar Batasuneko estatuetako enpresa ez espainiarrek, baldin eta ezarrita dauden estatuko legeriaren arabera kasuan kasuko prestazioa gauzatzeko gaituta badaude.

Enpresa horiek ezarrita dauden estatuko legeriak kasuan kasuko zerbitzua egin ahal izateko baimen bereziren bat edo erakunde jakin bateko partaide izatea eskatzen duenean, baldintza hori betetzen dutela frogatu beharko dute.

Europar Batasunekoak ez diren estatuetako pertsona fisiko edo juridikoek jarduteko ahalmena frogatzeko, dagokion estatuan Espainiak duen diplomaziako misio iraunkorraren txostena aurkeztuko da. Txosten horren bitartez justifikatu beharko dute atzerriko enpresaren jatorriko estatuak funtsean modu berdintsuan onartzen duela Espainiako enpresek hango administrazioarekiko eta SPKLTBko 3. artikuluan adierazitakoen pareko sektore publikoko erakunde, organismo edo entitateekiko kontratazioetan parte hartzea.

4. GHKrekin kontratua egin ahal izango dute horretarako  aldi baterako eratzen diren enpresarien elkarteak . Aldi Baterako Enpresarien Elkarteetako kideek baldintza-agiri honetako 16. klausulan adierazitako kaudimen-baldintzak bete beharko dituzte, eta

kide guztiak solidarioki kontratua betetzearen erantzule izango dira, kontratuak irauten duen denbora guztian.

Ez da beharrezkoa izango aldi baterako enpresarien elkarteak eskritura publikoan formalizatzea kontratua esleitzen zaien arte, eta SPKLTBko 59. artikuluan aurreikusitakoa aplikatuko da. Dena den, enpresari horiek eskaintza aurkezten duten unetik aurrera, GHKren aurrean solidarioki behartuta geratuko dira lizitazio honetatik eta kontratutik eratortzen diren betebeharrak guztiak betetzera kontratua amaitu arte, eta pertsona bat izendatu beharko dute, lizitazioan eta kontratuaren gauzatzean zehar ordezkari edo ahalordedun gisa jardun dezan, kontratua amaitu arte sortzen diren eskubideak egikaritzeko eta betebeharrak betetzeko behar adinako ahalordearekin.

5. Lizitazioan parte hartzen duten enpresa guztiek baldintza-agiri honekin batera doan [I. Eranskina](#) bete eta aurkeztu beharko dute.

#### **14 PROPOSAMENAK AURKEZTEKO LEKUA ETA EPEA**

1. Proposamenak GHKren bulegoetan aurkeztuko dira, Hernaniko Ibaiondo industrialdeko 27. zk.ko 3. solairuan, **2016KO OTSAILAREN 12ko eguerdiko HAMABIAK (12:00) arte.**

Kontratazio honen espedientea GIPUZKOAKO HONDAKINEN KUDEAKETAREN bulegoetan aztertu ahal izango da, Hernaniko Ibaiondo industrialdea 27-3.ean, 8:00etatik 15:00etara, lizitazioaren iragarkia GHKren Kontratazailearen Profilean agertzen den egunaren biharamunetik hasita lanegun guztietan, proposamenak aurkezteko epea amaitzen den arte.

2. Lizitazio hau kontratazio-organoaren kontratazailearen profilean iragarriko da, eta ondoko atari informatiko edo webgunetik eskuratu ahal izango da: [www.ghk.eus](http://www.ghk.eus). Leku berean eskuratu ahal izango dira baldintza administratiboaren agiria eta baldintza teknikoaren agiria ere.

3. Dokumentazioa postaz bidaltzen denean, enpresariak justifikatu egin behar du posta bulegoan zer egun eta ordutan egin duen bidalketa, eta kontratazio-organoari egun berean jakinarazi beharko dio, telex, fax edo telegrama bidez, eskaintza bidali duela. Dokumentazioa posta elektronikoz bidali nahiez gero, [info@ghk.eus](mailto:info@ghk.eus) helbide elektronikora bidaliko da eskaintza. **Bai dokumentua bidaltzea bai bidalketa egin dela iragartzea,** iragarkian adierazitako aurkezteko epea amaitzeko **eguna eta ordua igaro aurretik egin behar dira.**

- Eskaintzaren aurkezpena posta elektronikoz ere iragarri ahal izango da, baina kasu horretan iragarkiaren bidalketa baliozkoa izateko jasota egon beharko du mezua bidali eta jaso dela, eta komunikazioen eduki osoa dagoela, eta modu fede-emailean identifikatuta egon beharko dute bidaltzaileak eta hartzaileak.

Halakoetan, kopia bat inprimatu eta erregistratu beharko da, eta hori lizitatuileari bidaliko zaio, eskaintzaren jaso-agiri ondorioak izan ditzan.

- Bi baldintza horiek betetzen ez badira, proposamena ez da onartuko, GHKk iragarkian zehaztutako epea amaitzeko data eta ordua igaro ondoren jasotzen badu. Dena den, adierazitako datatik hamar (10) egun natural igarotzen badira dokumentazioa jaso gabe, dokumentazio hori ez da inolaz ere onartuko, HAKLEOko 80.4. artikulua ezartzen duen bezala.
4. Parte hartzeko eskaera kontratazio-organoak adierazitako bulegoetan aurkezten denean, kontratazio-organoak eskaera hori erregistratuko du eta zigilatutako kopia bat itzuliko dio lizitatuileari, aurkeztu izanaren frogagiri gisa. Kopia horretan lizitatuilearen izena, kontratuaren xedearren izendapena eta proposamena aurkeztu den eguna eta ordua agertuko dira, **II. Eranskinean aurkeztutako ereduaren arabera.**

## **15 DOKUMENTAZIOAK BETE BEHARREKO BALDINTZAK**

Lizitatuileek aurkezten duten dokumentazioak eskakizun eta baldintza hauek bete beharko ditu:

1. Proposamenak aurkezteak esan nahi du lizitatuileak inolako baldintzarik gabe onartzen dituela baldintza-agiri honetako eta kontratu izaera duten gainerako dokumentuetako klausulak, inolako salbuespenik gabe, eta bere ardurapean adierazten duela betetzen dituela sektore publikoarekin kontratua egiteko eskatzen diren baldintza guzti-guztiak. Beraz, eskaintzek emandako dokumentazioan eta eranskinetan aurreikusitako baldintza tekniko, ekonomiko, eragiketakoak edo bestelako guztiak beteko dituzte.

Lizitatuileek aurkeztutako dokumentuetako edozeinetan salbuespenen bat jartzen bada, edozein kasutan, salbuespenik ez dela jarri ulertuko da, eta kontratua kontratazio-organoak emandako dokumentazioan ezarritako moduan gauzatu beharko da, hori baita lizitazioaren oinarria.

2. Lizitatuile bakoitzak proposamen bakarra aurkez dezake eta ez da aldaerarik onartuko. Gainera, proposamena bakarka aurkeztu duen lizitatuileak ezingo du beste batzuekin aldi baterako elkartuta proposamenik aurkeztu, ezta aldi baterako elkarte bat baino gehiagotan egon ere. Arau hauek hausteak berak aurkeztutako proposamen guztiak ez onartzea ekarriko du.
3. Proposamenak Autonomia Erkidegoko bi hizkuntza ofizialetako edozeinetan aurkeztu ahal izango dira.
4. Informazio guztia paperean inprimatuta eta euskarri informatikoan ( bertsio editagarrian eta ez-editagarrian (adibidez, pdf formatuan) eman behar da CD batean, baldintza-agiri honetan adierazitako baldintzetan, halakorik bada. Bi

euskarrietako informazioa bat ez badator, paperean inprimatuta aurkeztutako dokumentazioan ageri dena gailenduko da.

Eskaintzak makinaz idatzita edo beste modu batean mekanikoki edo informatikoki inprimatuta egongo dira, eta ez da onartuko eskuz idatzitako dokumenturik, ezta eskaintza baloratu ahal izateko baldintzak argi eta garbi ezagutzea eragozten duten hutsak, akatsak edo zuzenketak dituenik ere. Era berean, ez da onartuko HAKLEOko 84. artikuluan ezarritako kasuren batean dagoen proposamenik.

Zehazki, eskaintza ekonomikoa baldintza-agiri honekin batera ematen den dokumentu informatikoan aurkeztu beharko da, dokumentu horren formatua batere aldatu gabe.

5. Ez dira onartuko HAKLEOko 84. artikuluan ezarritako kasuetan dauden proposamenak, eta, beraz, atzera botako dira aztertu eta onartutako dokumentazioarekin bat ez datozen proposamenak, baldintza-agirietan ezarritako eredu funtsean aldatzen dutenak, zenbatekoan akats nabarmena dutenak edo, lizitatzailleak berak aitortuta, bideraezin egiten dituen akatsak edo funtsik ezak dituztenak.
6. Prozeduran aurkezten diren eskaintzak prestatzeko dokumentazioa lantzearen kostu osoa lizitatzailleen kontura izango da, eta ezingo dute inolako konpentsazio ekonomikorik erreklamatu esleipendun suertatzen ez badira.
7. Eskatzen den dokumentazio guztia kopia arrunt edo konpultsatutako kopia gisa aurkeztuko da, ardurapeko adierazpenak izan ezik. GHKk jatorrizko dokumentazioa edo Administrazioak edo notarioak behar bezala konpultsatutako edo legeztatutako kopia aurkezteko eskatuko dio lehenengo sailkatuari, kopia arrunta aurkeztu den kasuetan.

## **16 PROPOSAMENAK AURKEZTEKO MODUA.**

Lizitazio honetan parte hartzeko, enpresa lizitatzailleek GHKko bulegoetan aurkeztu beharko dute, baldintza-agiri honen 14. klausulan ezarritako epearen barruan, **gutun-azal itxi bat**, gero adieraziko den dokumentazioarekin, eta bertan hau idatzi beharko da: **"GIPUZKOAKO ENERGIA BALORIZAZIORAKO PLANTAREN DISEINUA ETA LIZITAZIOA OBRA PUBLIKO GISA EGITEKO AHOLKULARITZA JURIDIKOAREN ZERBITZU KONTRATUAREN LIZITAZIOA"**

Gutun-azalean adieraziko dira enpresaren izena, proposamena sinatzen duenaren izen-abizenak eta zein izaerarekin sinatzen duen; gutun-azala sinatu egin behar da.

Gutun-azalean dokumentu hauek sartu beharko dira:

- a) **Gutun-azalaren barruan dauden dokumentuen aurkibidea.**

**b) Parte hartzeko eskaera, II. Eranskinaren arabera.**

**c) Enpresariaren jarduteko gaitasuna eta, behar denean, ordezkaritza, egiaztatzeko agiriak, HAKLEO 21. artikuluan aurreikusitakoaren arabera.**

Jarduteko gaitasuna kreditatzeko aurkeztuko diren dokumentuak:

- Parte-hartzailearen edo bere ordezkariaren Nortasun Agiri Nazionalaren fotokopia. Gainera, beste pertsona edo entitate baten ordezkapenean jarduten bada, notario-ahalardea; hori entitate honek askietsiko du gutun-azal honetan aurkeztutako dokumentazioa kalifikatzeko prozesuan.
- Lizitzailea pertsona juridikoa denean, eraketa-eskritura edo eraketa-agiria, Estatutuak edo fundazio-egintza, jarduera erregulatzen duten arauak jasoko dituztenak eta behar bezala inskribatuak, kasua denean, pertsona juridiko mota horri dagokion Erregistro publikoan.
- Proposamena sinatzen dutenak aldi baterako enpresa-elkarte (ABEE) eratzeko asmoa duten pertsona fisiko edo juridikoak direnean, dokumentu pribatu bat aurkeztuko da, bertan adieraziz: lizitazioan batera aurkezteko borondatea eta esleipendun gertatuz gero kontratua aurrera eramateko ABEE eratzeko konpromisoa, enpresa bakoitzaren partaidetzaren portzentajea eta, kontratua amaitu arte, kontratutik eratorritako eskubideak egikartzeko eta betebeharrak betetzeko ahalmena izango duen ordezkari edo ahalordedun bakar baten izendapena. Idazki hori sinatu beharko dute ABEE osatuko duten enpresa guztiek eta baita ahalordedunak ere. Eskaintza bateratua aurkezten duen enpresa-elkarte bateko partaideek ezingo dute banako posiziorik aurkeztu eta ezingo dira beste aldi baterako elkarte batean edo beste enpresa batzuekin batera sartu. Debeku hori ez betetzeak, araua hautsi duen lizitzaileak sinatutako eskaintza guztiak ez onartzea ekarriko du.
- Besteren izenean agertzen direnek edo proposamenak sinatzen dituztenek, Nortasun Agiri Nazionalaren kopia eta horretarako behar besteko ahalordea aurkeztuko dituzte. Enpresa pertsona juridikoa bada, ahalordeak Merkataritza Erregistroan inskribatuta egon beharko du, Merkataritza Erregistroaren Erregelamenduaren 94. artikuluan aurreikusitakoaren arabera galdagarria denean.
- Enpresariak espainiarrak ez badira baina bai Europar Batasuneko estatu batekoak, kokatuta dauden estatuko legediak agintzen duen Erregistroan inskribatuta daudela kreditatu beharko dute, edo zinpeko adierazpen bat edo ziurtagiri bat aurkeztu beharko dute, aplikatzekoak diren xedapen komunitarioen arabera.
- Gainerako enpresari atzerritarrek Espainiak haien estatuan duen Diplomaziako Misio Iraunkorrek edo enpresaren egoitzari dagokion Kotsularen Bulegoak egindako txostenaren bidez kreditatu beharko dute jarduteko gaitasuna. Txosten horren bitartez justifikatu beharko dute enpresa atzerritarren jatorrizko estatuak aukera ematen diela Espainiako enpresei hango administrazioarekin eta SPKLTBko 3. artikuluan aipatutako sektore publikoko kideko entitate, organismo edo erakundeekin egiten diren kontratazioetan funtsean modu berdintsuan parte hartzeko.

d) **Berariazko eta ardurapeko adierazpena**, I. Eranskinean jasota dagoen ereduaren arabera. Adierazpen horretan aitortu beharko du **ez duela kontratatzeke debekurik** SPKLTBko 60. artikulua ezarritakoaren arabera, espreski aipatuz artikulua horretako 1. apartatuko c) letrak dioena, hau da, ez duela zehapen irmorik jaso laneko segurtasun eta osasunaren arloan arau-hauste larria egiteagatik; eta beteta dituela zergen eta gizarte segurantzaren arloko betebeharrak, HAKLEOko 13. eta 14. artikuluetan aurreikusten diren irismenekin eta moduarekin.

e) **J.E.Z-en** kontratuaren xedeari dagokion epigrafean **alta emanda dagoela kreditatzeko agiria**, alta aurkeztuz une horretako ekitaldikoa bada, edo azkeneko J.E.Z. ordainagiria aurkeztuz gainerako kasuetan, edozein kasutan, zerga horren matrikulan ez duela baja eman aitortzeko ardurapeko adierazpenarekin batera (I. Eranskina).

f) Gainera, entitate lizitatuak jarraian adierazten diren **kaudimen-baldintzak** bete beharko ditu lehiaketa publikoan parte hartu ahal izateko:

f.1.) **Kaudimen ekonomikoa eta finantzarioa** SPKLTBko 75. artikulua arabera kreditatzen duen justifikazioa, dokumentu hauek aurkeztuta:

1. Negozioen urteko bolumenaren gaineko adierazpena eta, hala badagokio, kontratuan adierazten den negozioen urteko bolumenaren gaineko adierazpena; gehienez ere azken hiru ekitaldiei buruzkoa (enpresariaren jardueren sortze- edo hasiera-egunaren arabera) izango da adierazpen hori, Estatu Espainiarrean **milioi bat euro** (1.000.000€) edo gehiagokoa. Egiaztatzeko, itxitako azken hiru ekitaldietako ikuskatutako urteko kontuak aurkeztuko dira, edo halakorik ezean, baldintza hau betetzen dela kreditatzen duen lizitatuaren ardurapeko adierazpena.

2. Lanbide arriskuen kalte-ordainetarako aseguru dagoenaren frogagiria (erantzukizun zibila), 1.000.000€-ko zenbatekoa edo handiagoa duena, ondoko gutxieneko berme eta mugak barne hartzen dituena:

Justifikatutako arrazoiren batengatik, lizitatuak edo talde bat osatzen duten lizitatuak bat ez badago aipatu erreferentziak aurkezteko moduan, kontratazio-organoak bere kaudimen ekonomikoa eta finantzarioa kreditatzeko baimena eman ahalko dio, egoki deritzon beste edozein dokumenturen bidez.

f.2.) **Kaudimen teknikoa eta profesionala** dokumentu hauek aurkeztuta egingo da.

1. Azken zazpi urtetan azpiegitura-proiektuei lotuta egindako zerbitzu edo lan nagusien zerrenda. Bertan, alderdi hauek zehaztu beharko dira: proiektuaren deskribapen laburra, proiektuaren zenbatekoa, lanen

azalpena, ordainsarien zenbatekoa, proiektuaren datak eta lanen bezero edo hartzailearen identifikazioa.

Lizitatzailleek, banaka edo modu bateratuan, beren esperientzia egiaztatu beharko dute esparru edo proiektu-mota hauetan:

- Esperientziak partaidetza publiko pribatuaren egituraketan eta lizitazio/esleipen prozesuen kudeaketan.
- Esperientziak partaidetza publiko pribatuaren egituraketan lizitazio/esleipen prozesuetan parte hartu gabe.

-Azken 7 urtetan, partaidetza publiko-pribatuaren bidez 100 milioi euro baino gehiagoko bost (5) egituratze-proiektu egin direla egiaztatu beharko da, hain zuzen ere azpiegiturei lotuta, eta gutxienez horietako batean (1) lizitazio/esleipen prozesuan laguntza/aholkularitza zerbitzuak eman direla egiaztatu beharko da, baita esleipena lortu dela ere.

Esperientziak baliodunak izan daitezten, horiei buruzko baldintza hauek bete beharko dituzte:

- gutxienez 100 milioi euroko hasierako inbertsioa eduki behar dute proiektuek.
- egituratzean esperientziarik edukiz gero, proiektua lizitazio-fasera iritsi behar izan da, gutxienez.
- Proiektuaren kontratu-irismena aholkularitza honen xede-proiektuaren antzekoa izan behar da: Hau da, DEFJM motako —Diseinatu, Eraiki, Finantzatu, Jardun eta Mantendu— (gaztelerazko DBFOM) proiektua izan beharko da, edozein sektorekoa.

Proiektu baliodunei buruzko erreferentzia/esperientziak bakarrik zehaztu beharko dira zerrendan; hau da, aipatu berri diren baldintzak betetzen dituztenak.

Horrez gain, balorizazio-plantetako hondakinen tratamendurako proiektu edota zerbitzuen arazoengatik inguruan eta antzeko gaiengatik inguruan eskarmentu eta ezagutza nabarmena egiaztatu beharko dira.

Esperientziak aurkezteko ereduak, VI. eranskinean ematen denaren arabera izan behar da.

GHK-k aukera dauka eskarmentuaren bestelako froga edo egiaztapenak eskatzeko (adibidez, erreferentzia-gutunak) edo horien egiazkotasuna zuzenean egiaztatzeko, horiek igorri dituzten bezeroekin harremanetan jarritz.

Kontratuan parte hartzen duten langileen zerrenda. Bertan, langile bakoitzaren profil profesionalaren laburpena eman beharko da, eta behean zehaztutako baldintzak betetzen dituela zehaztu beharko da. Zerrenda horretan langile hauek egon beharko dira gutxienez:

1. Lanen zuzendariak gutxienez 15 urteko eskarmentu profesionala izan beharko du, lanaldi osoan, Partaidetza Publiko Pribatuaren (PPP) inguruan lege-aholkularitza ematen. Halaber, eskarmentua eduki beharko du azken 7 urtetan horrelako PPP bidezko 3 proiekturen kontratua diseinatzen edo horren egituraketa juridikoa egiten, eta horietatik gutxienez proiektu bat lizitatuta egon beharko da.
2. Lanen zuzendariari laguntza emateko, aditu juridiko bat ere egon beharko da, eskarmentu egiaztagarria eduki beharko du PPP motako kontratuen egituraketa edota diseinuan, eta ahal bada, lizitazio-prozesuen kudeaketan ere bai. Halaber, azken 7 urtetan PPP erako 2 proiektutan materialki partu hartu behar izango du.
3. Laguntza emateko abokatu bat.

## 2. Eranskinak

- Lantaldeko kideen titulazio akademiko eta profesionalak.
- Lantaldeko kideen CV osoa, esperientzia aipagarrien zerrenda barne, hemen eskatzen diren gutxienerako baldintzak betetzen direla egiaztatzeko.

**g)** Proposamena **Aldi Baterako Enpresen Elkarte** batek aurkezten badu, hori osatzen duen pertsona bakoitzak bere gaitasuna eta kaudimena kreditatu beharko ditu. Kasu horretan, metatu egingo dira, egoki den moduan, elkartean sartutako talde bakoitzak kreditatutako ezaugarriak, eta ABEEko kide den talde bakoitzaren sailkapen indibidualak, baldintza-agiri honetan eskatzen den kaudimen/sailkapen orokorra egiaztatu ahal izateko. Era berean, elkarteko kide guztien legezko ordezkariak sinatutako dokumentu bat aurkeztu beharko da, sinatzen duten enpresarien izenekin eta gorabeherekin. Dokumentu horretan adieraziko dute esleipendun gertatuz gero aldi baterako enpresa-elkartea eratzeko konpromisoa hartzen dutela, zenbateko partaidetza duen bakoitzak elkartean, eta gainera pertsona bat izendatuko dute kontratua indarrean den bitartean guztien ordezkari izan dadin administrazioaren aurrean.

Sailkapena nahitaezkoa denean, aldi baterako elkartean enpresari nazionalak eta Europar Batasuneko Estatu batekoak ez diren atzerritarrak, eta Europar Batasuneko Estatu batekoak diren atzerritarrak daudenean, lehenago bi multzoetakoek sailkapena



kreditatu beharko dute, eta hirugarrenetako kaudimen ekonomiko eta finantzarioa, teknikoa edo profesionala.

**h) Atzerriko enpresek**, kontratutik zuzenean edo zeharka etor litezkeen gorabehera guztietan Espainiako edozein arlotako epaitegi eta auzitegien mende jartzen direla eta, hala dagokionean, lizitatzailerari atzerrian egokitu dakioken foru jurisdikzionalari uko egiten diotela esaten duen adierazpena, baldintza-agiri honekin batera ematen den [III. Eranskinean](#) jasotako ereduaren arabera.

Europar Batasunetik kanpoko enpresek kreditatu egin beharko dute Espainian sukurtsala zabalik dutela, eragiketatarako ahalorde edo ordezkariak izendatuta, eta Merkataritza Erregistroan izena emanda.

Enpresa horiek aurkezten duten dokumentazioa era ofizialean gaztelaniara edo euskarara itzuliko da, HAKLEOko 23. artikuluan xedatutakoaren arabera.

i) Prozedura honetatik etorriko diren jakinarazpenak egiteko helbide elektronikoa, SPKLTBko 151.4. artikuluan aurreikusitako ondorioetarako ([IV. Eranskina](#)).

**j) Memoria teknikoa.**

Txosten tekniko batean zehaztuko da proposamena. Bertan, zerbitzuaren exekuzioaren azterlan bat egingo da, eta zerbitzuak nola eman nahi diren azaldu eta justifikatuko da. Memoriaren egitura aurrerago zehaztutako eduki-egituraren arabera izan beharko da.

Halaber Ezaugarri Teknikoen Agiriko 6. klausulan xedatutako baldintza betetzen dituela justifikatu beharko da. Baldintza Agiri honetako 18. klausulan xedatutako irizpideen arabera balorazio teknikorako elementua da txosten teknikoa.

***Txosten teknikoaren eduki-egitura***

1. Sarrera
2. Lantaldea.- lantaldearen antolaketa funtzionalaren aurkezpena, kide bakoitzaren papera eta ardurak zehaztuz, eta bakoitzaren esperientzia zein profil profesionalaren laburpena. Aditu bakoitzerako zehaztutako dedikazio-maila.
3. Lanen metodologia/ikuspegia.- egin beharreko lanak azalduz. Metodologiari buruz nahi diren oharak zehaztu, baita kasuan kasu eduki beharreko emaitza edo outputak eta entregatu beharreko txostenak zehaztuz ere.
4. Lanen programa: kronograma, dokumentu zein txostenak entregatzeko data estimatuak emanez, eta bilera fisiko edota birtualak egiteko plana, data estimatuekin.

5. Adostutako txosten eta bestelako dokumentuen entrega-plana (laburtua)
6. Adostutako lan eta jarraipen-bileren laburpena: aholkulariaren konpromisoaren arabera, horrek gutxienez egingo dituen bilera fisiko edota online bileren kopurua. Kontratua diseinatu eta baldintza-agiriak idazteko lanen egikaritze-denborak betetzeko konpromisoa
- 7.
8. Lanen kalitatea kudeatzeko plana edo elementuak, bereziki txostenen eta entregatzeko gainerako dokumentuen ekoizpenari, egiaztapenari eta erregistroari dagokionez.
9. Eskuragarri dauden baliabide teknikoak.
10. Proposatutako hobekuntzak
11. Eranskina: Lantaldeko kideen CV xehatuak, horiek behar bezala sinatuta.

**k) Proposamen ekonomikoa**

Lizitatuzaileek baldintza-agiri honekin batera aurkeztutako [V. Eranskinean](#) jasotako ereduari egokitutako proposamen ekonomikoa bat aurkeztu beharko dute.

## **17 BEHIN-BEHINEKO BERMEAK ERATZEA**

Lizitazio honetan parte hartzeko beharrezko baldintza izango da, aurretik, kontratazio-organoarentzat, eskakizun eta baldintza hauek betetzen dituen behin-behineko bermea eratu dela kreditatzea:

1. Behin-behineko bermea lizitazioaren oinarrizko aurrekontuaren % 2ari dagokion zenbatekoan eratu da, BEZ gabe.
2. Behin-behineko bermea honela eratu ahal izango da eta honela aurkeztu beharko da:
  - a) Dirutan. Euskadiko Diruzaintza Nagusian aurkeztuko da edo, hala badagokio, dagokion entitatearen bulego baliokidean. Hartutako balioen ibilgetze-ziurtagiriak kontratazio-organoari aurkeztu behar zaizkie.
  - b) Jarduteko baimena duten banku, aurrezki-kutxa, kreditu-kooperatiba, kredituko finantza-erakunde edo elkarren bermerako sozietate batek emandako abal baten bidez. Hori kontratazio-organoari aurkeztu behar zaio.
3. Behin-behineko berme gisa eratzten diren abalak, behartzeko behar adina ahalmen duten entitate abal-emaileko ahalordeek baimendu beharko dituzte.
4. Behin-behineko bermeak, aurkeztutako proposamenak kontratua esleitu arte mantentzeko erantzungo du. Esleipendun gertatzen den lizitatuzailearentzat, bermeak erantzungo du, halaber, baldintza-agiri honen [20. klausulan](#) zerrendatzen

den dokumentazioaren aurkezpenari lotutako betebeharrak betetzeko eta kontratua formalizatzeko unean.

5. Behin-behineko bermea automatikoki iraungiko da, eta lizitatzailerei itzuliko zaie, kontratua esleitu eta berehala. Dena den, esleipendunarena atxikita geratuko da behin betiko bermea eratzen den arte, eta konfiskatu egingo da esleipena baino lehen bere proposamena justifikatu gabe erretiratzen duten enpresena. Horrelakoetan, HAKLEOren 62.1. artikuluan xedatutakoa aplikatuko da.
6. Esleipendun ateratzen denak aukera izango du bai behin-behineko bermearen zenbatekoa behin betikoan aplikatzeko, bai behin betikoa oso-osorik eratzeko. Azken kasu horretan, behin-behineko bermea behin betikoa eratzen den une berean deuseztatuko da.

Espedientean behar adina justifikatu dira kontratu honetan behin-behineko bermea eskatzea beharrezkoa zela ulertzearen arrazoiak.

## **18 AURKEZTUTAKO ESKAINTZAK BALORATZEKO IRIZPIDEAK**

Lizitatzailerek aurkeztu beharreko dokumentazioaren edukia 16. klausulan adierazitakora egokitu beharko da, klausula honetan ezarritako esleipen irizpideak baloratzeko eta puntuatzeko.

Kontratua abantaila gehien dituen eskaintzari esleitu zaio, irizpide objektibo hauen arabera:

### **1. IRIZPIDEA: PROPOSAMEN TEKNIKOA (MEMORIA TEKNIKOA: ZERBITZUA ESKAINTZEKO PROIEKTUA): 49 PUNTU ARTE.**

1. Lanen/metodologiaren ikuspegiaren kalitatea: Proposatzen diren lanen ikuspegiaren azalpena. Lanak modu zehatz eta argian azaltzea baloratuko da, baita planteamenduak egokiak izatea, eta proposatutako lan-programa argia eta fidagarria izatea.
2. Proposatutako lantaldearen egokitasuna, horren antolakuntza eta erabilgarritasuna.
3. Proposatutako hobekuntzak
4. Konpromisoak eta kalitatea: irismen eta kalitate-konpromisoen azalpena, zenbat bileretara eta/edo telefono zein bideo-batzarretara joateko konpromisoa hartzen duen; eta power point zein word formatuetan entregatu beharreko behin behineko edo behin betiko dokumentuen egiturari buruzko ikuspegia, kontratua diseinatu, baldintza-agiriak idazteko lanen zein dokumentuen kudeaketarako neurrien egikaritze-denborak betetzeko konpromisoa, eta bestelako kalitate-konpromisoak.

Lizitatuzaileek baldintza honi buruz hobekuntzak proposatu ahalko dituzte. Hobekuntzek ez diote GHKri inolako kostu gehikuntzarik ekarriko.

GHK-k eskubidea izango du eskaintzaileen beren proposamenaren aurkezpena egitea eskatzeko.

## **2. IRIZPIDEA: PROPOSAMEN EKONOMIKOA: 51 PUNTU ARTE.**

Onartutako eskaintzei dagozkien eskaintza ekonomikoen puntuazioen kalkulua, ondoko jarraibideen arabera egingo da:

Baja maximoa: 51 puntu

Batezbesteko baja: 46 puntu

Batezbesteko baja -%5: 41 puntu (soilik aplikatuko da batezbesteko baja >%5 bada)

Batezbesteko baja -%10: 31 puntu (soilik aplikatuko da batezbesteko baja >%10 bada)

Baja 0 (Eskaintza prezioa = lizitazio aurrekontua): 0 puntu

Bi balioen arteko tarteetan dauden bajetarako, puntuazioa kalkulatu da linealki interpolatuz tartearen muturreko balioen artean.

Batezbesteko baja kalkulatzeko ondoko irizpideak aplikatuko dira:

- Eskaintza bakarra baloratzen bada, aurkeztutako eskaintzaren baja izango da batezbesteko baja.
- Bi eskaintza baloratzen badira, batezbesteko baja izango da bi eskaintzen bajen batezbestekoa.
- Hiru eskaintza edo gehiago baloratzen badira, batezbesteko baja kalkulatzeko ez dira kontuan hartuko ez baja handiena duen eskaintza, ez baja txikiena duen eskaintza.

Ez dira kontuan hartuko lizitazioaren oinarritzko prezio bakoitza gainditzen duten unitate-prezioak dituen proposamen ekonomikoa barne hartzen duten eskaintzak.

## **19 PROPOSAMEN NEURRIGABEAK EDO OHIZ KANPOKOAK**

1. Hasiera batean, proposamen bat ohiz kanpokotzat edo neurrigabetzat joko da, baldin eta proposamen batek beherapen portzentajeak 20 puntu baino gehiagok gainditzen badu onartutako oinarritzko proposamen guztien beherapen-portzentajeen batez besteko aritmetikoa.

2. Kontratu honen xedeari dagokionez ohiz kanpokoak edo neurrigabeak diren eskaintzak jasotzen badira, Kontratazio Mahaiak, horiek baztertu aurretik, horiek aurkeztu dituztenei idatziz eskatuko dizkie egoki deritzen azalpenak eskaintzaren osatzen duen guztiari buruz, eta eduki hori egiaztatuko du ematen dizkioten azalpenak kontuan hartuz. Horretarako lizitatzailerei hiru (3) eguneko epea emango die, aipatu azalpenen eskaera jasotzen denetik hasita.

Kontratazio Mahaiak kontuan hartu ahal izango ditu justifikazio objektiboak, esaterako, eraikuntza edo fabrikazio metodoaren ekonomia, aukeratutako konponbide teknikoak, edo lizitatzailiak kontratua gauzatzeko unean izango dituen baldintza abantailatsuak.

Edonola ere, ohikoak baino eskaintza baxuagoak aurkezten badira, dagokion lizitatzailiak eskaintako justifikazioaren arabera, GHKk baztertu egin ahal izango ditu.

## **20 PROPOSAMENAK IREKITZEA, ESKAINTZAK SAILKATZEA ETA KONTRATUA ESLEITZEA.**

### **20.1. Eskaintzak sailkatzea.**

GHKko langile teknikoek epearen barruan eta behar bezala aurkeztutako dokumentuak kalifikatuko dituzte, eta akats edo omisio zuzengarriak antzemango balituzte, gehienez hiru (3) laneguneko epea emango dute lizitatzailiak akats edo omisio horiek zuzendu ditzan.

Aurkeztutako dokumentazioan antzemandako akats edo ez betetzeak konponduta daudenean eta lizitatzailen nortasuna eta kaudimena egiaztatzen denean, negoziaketa fasea irekiko da; bertan ondoko alderdi ekonomiko eta teknikoari buruz hitz egingo da: prezioa, alderdi teknikoak, hobekuntzak, konpromisoak txosten gehigarriak aurkeztea, etab. Aurkeztutako eskaintzak ikusita eta, hala badagokio, partaideekin beharrezko negoziaketak eginda eta amaituta, GHKko Zerbitzu Teknikoek eskaintzen txostena egingo dute eta hori Kontratazio Mahaiari helaraziko diote. Kontratazio Mahaiak, proposamena egin aurretik, behar dituen txosten tekniko eta juridikoak eskatu beharko ditu kontratazio-organoari formulatzeko eskaintza-sailkapena egiteko.

Kontratazio-organoak beheranzko ordenan sailkatuko ditu aurkeztutako eta neurrigabe edo ohiz kanpokotzat jo ez diren proposamenak, horrela aurreikusi bada baldintza teknikoan agirian. Sailkapen hori egiteko, baldintza-agirian edo iragarkian adierazitako esleipen-irizpideak izango ditu kontuan, eta horretarako egoki deritzen txosten tekniko guztiak eskatu ahal izango ditu, SPKLTBko 151. artikulua ezartzen duen bezala.

**Kontratazio-organoak ekonomikoki eskaintza onena egin duen lizitatzaileri eskatuko dio. hamar (10) egun balioduneko epean, eskaera jaso eta biharamunetik zenbatuta, esleipen-prezioaren % 5eko behin betiko bermea jarri duela eta tributuen eta Gizarte Segurantzaren arloko betebeharrak beteta dituela egiaztatzeko dokumentazioa aurkez dezan** edo kontratazio-organoari baimena eman

diezaion zuzenean lor ditzan egiaztagiriak. Ziurtagiri horiek guztiak bitarteko elektronikoen, informatikoen edo telematikoen bidez eman daitezke, baldintza-agirietan bestelakorik ezarri ezean.

Eskakizun hori adierazitako epean bete ezean, lizitatzailleak bere eskaintzari uko egin diola ulertuko da, eta kasu horretan hurrengo lizitatzailleari eskatuko zaio dokumentazio berbera, eskaintzen sailkapeneko ordenari jarraituz.

## **20.2. Esleipena.**

Kontratazio-organoak dokumentazioa jaso eta hurrengo bost (5) egun balioduneko epean esleitu beharko du kontratua.

Lizitazioa ezingo da esleitu gabe utzi, baldintza-agiriko irizpideen arabera onargarri den eskaintza edo proposamenik aurkeztu bada.

Esleipena arrazoitua izango da, hautagaiei eta lizitatzaillei jakinaraziko zaie eta, aldi berean, kontratatzailearen profilean argitaratuko da.

## **20.3. Esleipena jakinaraztea.**

Jakinarazpenak, kasu guztietan, behar adinako informazioa eman behar du; zehazki, puntu hauek adieraziko ditu:

- a) Baztertutako hautagaiei buruz, horien hautagaitza baztertu izanaren arrazoiak azalpen laburtua.
- b) Esleipen-prozeduratik baztertu diren lizitatzaillei dagokienez, horien eskaintza onartu ez izanaren arrazoiak azalpen laburtua.
- c) Edonola ere, esleipendunaren izena eta hautatu den eskaintzaren ezaugarriak eta abantailak, onartutako gainerako lizitatzailleek aurkeztu dituzten eskaintzen aldean lehentasuna emateko erabakigarri izan direnak.

Esleipenaren arrazoiei konfidentzialtasun-salbuespena aplikatuko zaie, SPKLTBko 153. artikuluan xedatutakoaren arabera.

Jakinarazpena egiteko, hartzaileak jaso izana agerian utz dezakeen edozein bide erabil daiteke. Zehazki, lizitatzailleek eskaintza aurkezterakoan baldintza-agiri honen [IV. Eranskinean](#) adierazitako helbide elektronikoen bidez egin daiteke, ekainaren 22ko 11/2007 Legeak, herritarrak zerbitzu publikoetara bide elektronikoz sartzeari buruzkoak, 28. artikuluan xedatutakoaren arabera. Hala ere, jakinarazpena baztertu egin dela - azaroaren 26ko 30/1992 Legearen 59.4. artikuluan aurreikusitako ondorioekin- ulertzeko epea bost (5) egunekoa izango da.

Dena dela, kontratazio-organoak aukera dezake esleipenari buruzko hainbat datu ez jakinaraztea, baldin eta uste badu, espedientean behar bezala arrazoituz, informazio hori zabaltzea eragozpen izan daitekeela arau bat aplikatzeko, edo interes publikoaren aurkakoa izan daitekeela, edo enpresa publiko edo pribatuen legezko merkataritza-interesak edo beren arteko lehia leiala kaltetu ditzakeela.

#### **20.4. Esleipena ebaztea.**

Behin-behineko esleipendunak beharrezko baldintzak betetzen ez dituelako kontratua ezin denean behin betiko esleitu, beste deialdi bat egin aurretik Administrazio Kontseiluak behin-behineko esleipena egin diezaioke haren ondorengo lizitatzailari edo lizitatzailari, horien eskaintzak sailkatuta dauden hurrenkeran, betiere, hori egin daitekeenean eta esleipendun berria ados dagoenean. Horrela eginez gero, esleipendun berriari hamar (10) egun balioduneko epea emango zaio baldintza-agiri honen [20.2.](#) eta [21.](#) klausuletan adierazitako dokumentazioa aurkez dezan.

#### **20.5 Dokumentazioa zaintzea**

Behin kontratua esleituta dagoenean, errekursoak aurkezteko epea errekurtsorik jarri gabe amaitu bada, proposamenekin batera aurkeztutako dokumentazioa interesatuen esku geldituko da. Dokumentazioa erretiratzeko eskaera idatziz egin beharko da. Ez badute dokumentazioa erretiratzeko epe hori igaro eta hurrengo hiru hilabeteetan, kontratazio-organoak ez du zaintzen jarraitzeko betebeharririk izango, behin-behineko bermea justifikatzen duten dokumentuak izan ezik, horiek mantendu egingo baitira interesatuei entregatzeko.

### **21 ESLEIPENDUNAK AURKEZTU BEHARREKO DOKUMENTUAK**

Aurreko klausulan adierazitakoekin batera, baldintza-agiri honetako 16. atalean eskatutako aseguru-polizaren ordainagiri eguneratuaren benetako kopia aurkeztu beharko du esleipendunak kontratua formalizatu aurretik.

Hala dagokionean, ABEE legez eratu izana kreditatzeko agiria.

Edozein kasutan, Jarduera Ekonomikoen gaineko Zergaren matrikulan ez duela baja eman aitortzeko ardurapeko adierazpena ere aurkeztu beharko da.

### **22 BEHIN BETIKO BERMEA**

Baldintza-agiri honetako [20.1.](#) klausulan adierazten den bezala, eskaintza ekonomiko onuragarriena aurkeztu duen lizitatzailak **esleipen-prezioaren % 5eko** behin betiko bermea eratu beharko du kontratazio-organoaren alde, Balio Erantsiaren gaineko Zerga kenduta, SPKLTBko 95.2. artikulua arabera, kontratutik sortutako betebeharrak beteko dituela bermatzeko.

- Behin betiko bermeak SPKLTBko 100. artikuluan ezarritako kontzeptuak bermatu beharko ditu.
- Berme hori SPKLTBko 96. artikuluan ezarritako bideetako edozeinen bitartez eratu ahal izango da. Baliabide elektronikoen, informatikoen edo telematikoen bidez egiaztatu ahal izango da bermea eratu izana. Baldintza hori betetzen ez bada berari egotz dakizkiokeen arrazoiengatik, GHKk ez dio esleipenik emango eta SPKLTBko 151.2. artikuluko azkeneko paragrafoan xedatutakoa aplikatuko da.
- Esleipendunari zigorrak ezartzen bazaizkio kontratuko betebeharrak ez betetzeagatik, kontratazio-organoak bermearen aurka jo ahal izango du askatasun osoz, eta eskubide hori ez da etenda geratuko esleipendunak jar litzakeen erreklamazio edo errekursoak bideratzen ari diren bitartean.
- Esleipendunak kontratuan ezarritako betebeharren bat bete ez duelako, bermearen kontra joko balitz, esleipendunak hamabost (15) egun naturaleko epean (bermea gauzatzen den egunetik zenbatuta) birjarri edo handitu beharko du, dagokion zenbatekoan.
- Kontratuaren aldaketaren baten ondorioz haren prezioa aldatzen bada, bermea berregokitu egin beharko da, aldatutako prezio berriarekin beharrezko proportzioa gorde dezan. Enpresariak hamabost laneguneko epea izango du, aldatzeko erabakia jakinarazten diotenetik hasita, bermea egokitzeko.
- Bermea SPKLTBko 102. artikuluan xedatutakoaren arabera itzuliko da, berme-epea igaro ondoren eta esleipendunak legezko betebeharrak guztiak bete dituztenean.
- Behin betiko bermea urtebeterako geratuko da lotuta, GHKk kontratuaren harrera-akta sinatzen duenetik kontatuta, baldintza-agiri honetako 26. klausulan jasotakoaren arabera.
- Klausula honetan jasotako xedapenen bat ez betetzea nahikoa izango da kontratua GHKren alde suntsiarazteko, betiere ez betetze hori kontratistari egotz badakioke.

## **23 KONTRATUA BURUTZEA ETA FORMALIZATZEA**

Kontratua formalizazioaren bidez burutuko da.

### **23.1 Kontratua formalizatzea.**

1. Kontratua dokumentu pribatuan formalizatuko da, **hamabost (15) egun balioduneko epean, esleipenaren jakinarazpena jaso eta hurrengo egunetik**



**zenbatuta**, SPKLTBko 151.4. artikuluan eta baldintza-agiri honetako 20.3. klausulan aurreikusitako eran.

2. Kontratua formalizatzeko dokumentuak SPKLTBko 26. artikuluan eta HAKLEOko 71. artikuluan ezarritako eskakizunak bete beharko ditu.
3. Kontratua sinatzearekin bat, esleipendunak Baldintza Administratibo Berezien Agiria, Baldintza Teknikoen Agiria eta esleipendunak egindako eskaintza sinatu beharko ditu eta kontratuari gehituko zaizkio eranskin gisa, HAKLEOko 71. artikuluan ezarritakoari jarraiki.
4. Esleipendunak eskatzen badu, berak ordainduta, kontratua eskritura publikoan formalizatzea, eskrituraren kopia soila eman beharko dio kontratazio-organoari.

### **23.2 Ez formalizatzearen eraginak**

1. Esleipendunari egozteko arrazoiengatik, kontratua ezin bada formalizatu aurreko atalean aurreikusitako epean, SPKLTBko 156. 4. artikuluan ezarritakoa aplikatuko da.
2. Epearen barruan ez formalizatzeko arrazoia kontratazio-organoari egoztekoa bada, esleipendunak kalte-ordaina eskatu ahal izango du atzerapenak ekar liezazkiokeen kalte-galerengatik.

## **III. KAPITULUA: ALDERDIEN ESKUBIDEAK ETA BETEBEHARRAK**

### **24 KONTRATISTAREN ESKUBIDEAK**

Kontratua gauzatzean, baldintza-agirian aitortzen zaizkion eskubideak izango ditu kontratistak, bereziki, jarraian zehazten direnak:

#### **24.1 Kontraprestazioa jasotzeko eskubidea.**

Kontratistak itundutako prezioa kobratzeko eskubidea izango du, baldintza-agiri honetan eta kontratuari buruzko gainerako dokumentazioan aurreikusitako moduan, kontratua bere arrisku eta menturara exekutatzearen ordainetan.

Kontratistaren ordainsaria honek kontratu honen xede den zerbitzua eskaintzeagatik eskainitako prezioak osatuko du, kontratuaren dokumentazioan ezarritako baldintzen arabera.

Kontratuaren zenbatekoaren fakturazioa horrela egingo da:

- Zenbateko osoaren % 15 aurre-egituratze fasearen amaieran.
- Zenbateko osoaren % 30, bideragarritasun-azterlana amaitzean.
- Zenbateko osoaren % 30 egituratze-fasea eta lizitazio-prestakuntza fasea amaitzean.
- Zenbateko osoaren % 25, Gipuzkoako Hondakinen Kudeaketarako Zentroaren lizitazio-fasea amaitzean.

#### **24.2 Kontratua lagatzea.**

1. Debekatuta dago kontratutik sortutako eskubideak eta betebeharrak hirugarren bati lagatzea, kontratazio-organoak aldez aurretik, berariaz eta idatziz baimena eman ezean, eta kontratazio-organoak baimena ukatu ahal izango du lagatzailearen ezaugarri teknikoak edo pertsonalak erabakigarriak izan badira kontratua esleitzeko.
2. Aurrekoari kalterik egin gabe, kontratuaren lagapena baimentzeko, nahitaezko baldintza izango da kontratuaren ehuneko hogeit hamar behintzat exekutatuta egotea eta lagapen-hartzaileak baldintza-agiri honetan lizitatzaileri eskatzen zaizkien gaitasun eta kaudimeneko baldintza berak izatea.
3. Baimendu eta eskritura publikoan formalizatu ondoren, lagapen-hartzailea subrogatuta geratuko da lagatzailearen eskubide eta betebehar guztietan.

#### **24.3 Azpikontratatzea.**

Kontratuaren prestazioak Administrazio Kontseiluak aurretik berariaz eta idatziz baimendu ondoren besterik ezin izango dira azpikontratatu, eta ezinbestekoa izango da azpikontratatzaileak GHKrekin kontratatzeko legezko baldintzak eta baldintza-agiri honetan eskatzen direnak betetzea, eskatutako sailkapena kreditatzea eta baldintza-agiri honetan aurreikusten den bere gain hartutako baliabideak atxikitzeko betebeharra betetzeko konpromisoa hartzea. Hori guztia, azpikontratazioaren xede den prestazioari edo prestazioei buruzkoa edota horiei dagokiena den edozein kontutan. Dena den, ezingo da gainditu SPKLTBko 227. artikulua ezarritako azpikontratazio muga.

### **25 KONTRATISTAREN BETEBEHARRAK**

Kontratua kontratistaren arrisku eta menturara gauzatuko da.

Kontratistaren betebeharrak izango dira, baldintza teknikoaren agirian jasotakoez gain, jarraian adierazten direnak:

- Zerbitzua ezarritako epean eskaintzea.
- Bere proposamenean jasotako giza baliabideak kontratuaren exekuzioari atxikitzea.

- Baldintza-agiri honetan eskatutako aseguru-polizak kontratatzea.
- Behin betiko bermea eratzea.
- Kontratu honen xede diren prestazioetan erabiltzen dituen langileei dagokienez, laneko legediaren eta Gizarte Segurantzaren alorrean indarrean dauden xedapenak betetzea.
- Kontratuaren xedea burutzeko beharrezkoak diren ikus-onetsiak, baimen eta lizentziak, dokumentuak edo nolanhiko informazioa, bai ofiziala bai pribatua, lortzea.
- Kontratuaren xedea burutzerakoan sortzen diren gastu guztiak, baita fiskalak ere, indarrean dauden xedapenen arabera.
- GHKri nahiz hirugarrenei, kontratua gauzatzeko beharrezkoak diren eragiketen ondorioz sortzen zaizkien kalte-galerak ordaintzea.
- Lan eta gizarte arau guztiak betetzea, bereziki Gizarte Segurantzari, Segurtasun eta Higieneari eta Lan Arriskuaren Prebentzioari buruzkoak.
- Kontratistak, izaera pertsonala duten datuak eskuratuz gero, Datu pertsonalak babesteari buruzko abenduaren 13ko 15/1999 Lege Organikotik eta hau garatzen duen arauditik eratorritako betebeharrak bete beharko ditu.

### **25.1 Beharrezko langileak.**

Baldintza Teknikoen Agiriko 3. klausulak ezartzen duen bezala, esleipendunak une oro zerbitzua eskaintzeko beharrezkoak diren langileak eduki beharko ditu, Baldintza Teknikoen Agirian eta aurkeztutako eskaintzan deskribatutako arau eta zehaztapenen arabera.

GHKk ez du harreman juridiko, laneko edo beste edozein motako harremanik izango enpresa esleipendunaren langileekin kontratuak indarrean dirauen bitartean, ezta hori amaitzen denean ere, eta enpresa esleipendunaren kontura izango dira goi garraioaren kontratu edo zerbitzu hau amaitzearen ondorioz sortzen diren betebeharrak, kalte-ordainaketa eta erantzukizun guztiak.

### **25.2 Konfidentzialtasuna**

GHKk kontratistari kontratua gauzatzeko edozein euskarritan emandako informazioa, dokumentazioa, planoak, fitxategiak edo zehaztapenak konfidentzialtzat jo beharko ditu kontratistak, eta ezingo dira argitaratu, zabaldu edo kontratua gauzatzeko ez den beste xede baterako erabili, komunikatu edo hirugarrenei lagatu, ez osorik ez partzialki.

Kontratistak, kontratuko prestazioak burutzeko emango zaizkion dokumentuak leialki eta arduraz zaintzeko betebeharra hartzen du bere gain, erabilitako euskarria edozein delarik ere, eta horrekin batera, dokumentuak eta horiek jasotzen duten informazioa, kontratuaren exekuziotik at dauden pertsonengana ez iristeko konpromisoa hartzen du.

Kontratatik bere zerbitzura dauden langileei kontratu honen bidez bereganatzen dituen erreserba eta isiltasun eginbeharrei buruz jakinarazteko betebeharra hartzen du bere gain.

## **26 KONTRATAZIO-ORGANOAREN ESKUBIDEAK (GHK-KO ADMINISTRAZIO-KONTSEILUA)**

Baldintza-agirian eta kontratuaren gainerako dokumentazioan eta aplikatzekoa den gainerako araudian ezarritako mugen barruan eta bertan adierazitako baldintza eta ondorioekin, jarraian azaltzen diren eskubideak izango ditu GHKk.

Edozein kasutan, GHKk hartu ahal izango ditu kontratuaren xede den exekuzioa etetea eragozteko beharrezkoak diren neurri guztiak, jarraipena bermatu ahal izateko, batez ere, kontratistaren ez betetzea izan denean, eta eskubidea izango du kontratistari ordainarazteko egiten dituen gastuak eta kostuak eta, kasua bada, gastu eta kostu horiek kontratistari edozein kontzepturengatik zor dizkion zenbatekoekin konpentsatzeko. Hori dena, baldintza-agiri honetan kontratua suntsiarazteari buruz aurreikusitakoa eragotzi gabe.

### **26.1 Kontratua aldatzea**

GHKk kontratua aldatu ahal izango du interes publikoengatik eta behar bezala justifikatutako ustekabeko kausei aurre egiteko.

Kontratua aldatu ahal izango da, halaber, SPKLTBko107. artikuluan aurreikusitako egoeraren bat gertatzen denean, baldin eta horrekin ez badira aldatzen lizitazioaren eta esleipenaren funtsezko baldintzak.

Aldaketa posible horiek nahitaezkoak izango dira kontratistarentzat.

Kontratuan egindako aldaketa idatziz formalizatu beharko da, SPKLTBko 107. artikuluan aurreikusitako moduan.

### **26.2 Aplikatzekoa den araudian aitortutako eskubideak**

Baldintza-agiri honetan eta kontratuaren gainerako dokumentazioan aitortzen zaizkion eskubideez gain, aplikatzekoa den araudiak aitortzen dizkion gainerako guztiak ere izango ditu GHK-k.

## **27 KONTRATAZIO-ORGANOAREN BETEBEHARRAK**

GHKk baldintza-agiri honetatik, kontratuaren gainerako dokumentaziotik eta indarrean dagoen arauditik sortzen zaizkion betebeharrak guztiak beteko ditu.

## **IV. KAPITULUA: KONTRATUA GAUZATZEAREN GARAPENA ETA JARRAIPENA**

### **28 ZERBITZUAK ESKAINTZEN HASTEAN**

Kontratista zerbitzuak eskaintzen hasi beharko da kontratua formalizatzen den unetik aurrera.

### **29 ARRISKUA ETA MENTURA ZERBITZUAK GAUZATZEAN**

1. Zerbitzuak kontratistaren arrisku eta menturara gauzatuko dira.
2. Zerbitzuak eskaintzerakoan kontratistaren ardurapeko berandutzarik gertatzen bada, baldintza-agiri honen 38 eta 40. klausuletan jasotako zigorren eta kontratuaren suntsiarazpen araubidean xedatutakoaren arabera jokatuko da.

### **30 BERMEAREN EPEA**

1. Zerbitzuen bermearen epea hiru (3) hilabetekoa izango da, gauzatzen denetik zenbatuta, kontratistak bere eskaintzan epe zabalagoa jarri ez badu; kasu horretan, bermearen epea kontratistak eskainitakoa izango da.
2. Bermearen epean zehar, kontratistak kontratua modu egokian betetzeko beharrezkoak diren konponketak eta bestelako jarduerak modu zuzenean egin direla ziurtatzeko beharrezko jarduerak egingo ditu. Kontratistak jarduera horiekin lotutako kostu guztien ardura hartuko du bere gain.

### **31 BERMEAREN EPEAREN AMAIERAKO ZIURTAGIRIA**

1. Bermearen epea betetzeko azken hamabost (15) eguneko epearen barnean, GHKk izendatutako pertsona eskudunak edo eskudunek txosten bat idatziko dute zerbitzuen prestazioari buruz eta horiek kontratuaren dokumentazioan jasotako zehaztapenetara egokitu diren adieraziko dute. Txostena aldekoa bada, behin betiko bermea itzuliko da, kontratuaren behin betiko likidazioa egingo da eta, hala dagokionean, ordaintzeko dauden betebeharrak ordainduko dira.
2. Txostena aldekoa ez bada eta ikusitako akatsak zerbitzuak eskaintzeko uneko hutsak badira, eta horiek ezin bazaizkio GHKri egotzi eta GHKrentzat ondorio ekonomikoak eragiten badituzte, honek izendatutako pertsona eskudunek beharrezko jarraibideak emango dizkiote kontratistari, GHKri dagokion moduan konpentsatzeko edo izan ditzakeen ardurak estaltzeko.
3. Epe hori igaro eta gero kontratistak ez baditu zuzendu agerian utzitako akatsak, ez badio GHKri konpentsatu edo izan ditzakeen ardurak ez baditu estali, horren akta bat irekiko da, eta GHKk kontratua suntsiarazi ahal izango du, kontratistari egotz

dakizkiokeen arrazoiak tarteko, bermea konfiskatuz gainera. Horretaz guztiaz gain, dagozkiokeen kalte-ordainak ere sor daitezke. Akatsak konponduz gero, klausula honetako lehen paragrafoan aurreikusten den moduan jardungo da.

## **V. KAPITULUA: DIZIPLINA-ARAUBIDEA**

### **32 EZ BETETZEAK**

Esleipendunak kontratua betetzen ez badu, GHKk zigorrak ezarriko dizkio. Ez betetzeak larriak eta arinak izan daitezke.

#### **32.1 Ez betetze larriak**

Ez betetze larriak hauek izango dira:

- a) Kontratatik guztiz edo hein batean ez betetzea aplikatu behar den araudian ezarritako aurreikuspenak, bereziki lan-izaerakoak, teknikoak, segurtasunekoak edo ingurumenekoak, baita aipatu araudiaren arabera nahitaez egin beharreko jarduerak ez egitea ere.
- b) Eskaintzan proposatutako langileen atxikipenari edo dedikazioari buruzko betebeharrak ez betetzea.
- c) Kontratuaren xede den prestazioaren zati bat azpikontratatzea, baldintza-agiri honetan adierazitako baldintzak eta prozedurak jarraitu gabe.
- d) Kontratatik nahitaez sinatu beharreko aseguru-polizak ez kontratatzea, baita horiei buruzko betebeharrak ez betetzea ere.
- e) Kontratu hau gauzatzeko beharrezkoak diren lizentziak, baimenak eta gainerako baldintza juridiko-administratiboak ez eskatzea edo lortzea.
- f) GHKren lana oztopatzea zerbitzuak gainbegiratzeko eta ikuskatzeko lanetan.
- g) Zerbitzuetan aldaketak baimentzea kontratazio-organoaren onarpenik gabe.
- h) Konprometitutako baliabide materialak eta langileak ez jartzea, Kontratu Zuzendaritzaren jarraibideek ezarritako moduan.
- i) Lan-programan ezarritako aurreikuspenetako bat ez betetzea, eskainiko den zerbitzuan ondorio zuzenak baditu.
- j) Zerbitzuen prestazioa guztiz edo hein batean geratzea edo etetea.

- k) Langileei dagokienez lan-betebeharrak edo betebeharrak sozialak ez betetzea.
- l) Segurtasun Planeko eta Ingurumen Zaintzako Programako betebeharrak oro har ez betetzea.
- m) Baldintza-agiri honen 9. klausulan aipatzen den akordioa sinatzeari uko egitea, hori oztopatzea edo horri aurre egitea.
- n) Kontratua gauzatzen duen bitartean hiru (3) ez betetze arinen ondorioz zigorra jaso izana.

### **32.2 Ez betetze arinak.**

- a) GHKren edo ordezkarien oharrak ez sartzea Lan-programan.
- b) GHKko edozein ordezkari emandako jarraibideak ez betetzea, lan prozeduretan eta zerbitzuaren ezaugarrietan eraginik ez badu.
- c) Kontratuaren gauzatzearen programazioaren ez betetze arina, horrek zerbitzuan eta segurtasunean eraginik ez duenean.
- d) Akatsak egitea entregatutako azken dokumentazioan.
- e) Kontratuaren dokumentazioan eta aplikagarria den araudian ezarritako betebeharrak egindako gainerako ez betetzeak, lehen adierazitakoaren arabera larri gisa kalifikatuta ez daudenak.

## **33 ZIGORRAK**

### **33.1 Zigorren araubidea.**

- Ez betetze arinek 600 € arteko zigorra ezartzea ekarriko dute.
- Ez betetze larriek 600 € eta 6.000 € arteko zigorra ezartzea ekarriko dute.
- Aurreko zigorrez gain, GHKk, gainera, kontratistari zigor hertsatzaileak jarri ahalko dizkio, bere betebeharrak behin eta berriz betetzen ez dituztenean, betiere aurretiaz eskatu bazaio eta ezarritako epean bete ez baditu. Isunaren eguneko zenbatekoa 300,00 eurokoa izango da.
- Kontratuaren epeetako edozein, osoa edo partziala, ez bada betetzen eta ez betetze hori kontratistari egozgarria zaionean, GHKk kontratua suntsiaraztea erabaki dezake, behin betiko bermea konfiskatuz, edo zigor hertsatzaileak ezar

ditzake, egunero kontratuko mila euro bakoitzeko 0,20 euroko zenbatekoan, eta horiek aplikagarriak izango dira ez betetzea egiten den unetik aurrera.

- Berandutzagatiko zigorrak kontratuaren prezioaren ehuneko 5aren multiplo batera iristen diren bakoitzean, kontratazio-organoak ahalmena izango du hura suntsiarazteko edo hori gauzatzeko jarraitzea erabakitzeko, zigor berriak ezarrita.
- Dena den, kontratistak arau-haustea ekarri zuen egintza zuzentzeko beharrezko jardueren kostuak bere gain hartuko ditu.
- Ezar litezkeen zigorrez gain, kontratista berandutu egiten bada bere ez betetzeetatik eratorritako egoerak konpontzen, GHKri ahalmena emango dio edozein unetan hutsak zuzentzera bideratutako beharrezko neurriak hartzeko eta, neurri horiek kostuak ekarriz gero, dagokion bermearen aurka jotzeko.

### **33.2 Zigorrak mailakatzea**

GHKk zigorrak ezartzerakoan ez betetzearen larritasunaren eta aplikatutako zigorraren arteko egokitasuna mantendu beharko da; horiek mailakatzeko ondoko irizpideak jarraituko dira: (i) ez betetze mota; (ii) nahita egin den ala ez; (iii) eragindako kalteen izaera; (iv) berriro egitea, urtebetean izaera bereko ez betetze bat baino gehiago egiteagatik eta (v) kontratistak lortutako onura.

### **33.3 Zigorrak eta isun hertsatzaileak eguneratzea**

Baldintza-agiri honetan aurreikusitako zigorren eta isun hertsatzaileen zenbatekoa urtero eguneratuko da KPI nazionalaren edo autonomikoaren arabera, hori txikiagoa balitz.

## **VI. KAPITULUA: KONTRATUAREN AMAIERA**

### **34 KONTRATUAREN AMAIERA**

Zerbitzu-kontratu hau kontratua betetzen denean edo suntsiarazten denean amaituko da.

#### **34.1 Kontratuaren betetzea.**

Kontratistak kontratu honen xede diren prestazioak osorik betetzen dituenean amaituko da kontratua, kontratuaren dokumentazioan ezarritako baldintza guztiak bete badira GHKren oniritziarekin, baldintza-agiri honetako 4. klausulan ezarritako epearen barruan.



### **34.2 Kontratua suntsiaraztea.**

Zerbitzu-kontratua suntsiarazteko kausa izango dira SPKLTBko 223 eta 308. artikuluetan ezarritakoak eta, oro har, kontratu-betebeharrak ez betetzea, Kode Zibileko 1.124. artikuluan xedatutakoaren arabera.

Kontratua garaiz aurretik suntsiarazteak honako ondorioak izango ditu:

- Kontratua bi alderdiak ados jarrita suntsiarazten denean, alderdi baten eta bestearen eskubideak GHKren eta kontratistaren artean balio osoz onartutakoari egokitu behar zaizkio.
- Kontratistaren erruz bete gabe geratzeagatik suntsiarazten bada kontratua, sortutako kalte eta galeren ordainak eman beharko dizkio kontratistak GHKri, konfiskatutako bermea gainditzen duen zatian, eta kasu guztietan kontratu-prezioa klausula penal bat ezarrita.

Klausula honetan aurreikusitako suntsiarazteko kasuetako edozeinetan, suntsiarazpen hori automatikoki gertatuko da, horretarako GHKk kontratistari egingo dion jakinarazpen fede-emaileaz bestelako baldintzarik gabe.

Jakinarazpen hori jasotzen duenean, kontratistak berehala eman beharko dizkio GHKri, bere eskura jarritz, kontratua dela-eta ordura arte egin edo sortu diren dokumentu guztiak, eta horiek guztiak GHKrenak izango dira ordutik aurrera.

Ondorio horietarako, gauzatze egoeraren akta bat idatziko da, GHKk bukatuta eta emanda ulertzen dituen dokumentu eta lanak, eta eman eta jaso ez direla ulertzen direnak, baita ez jasotze horren arrazoiak ere, zehaztuta gera daitezten. Horrela, GHKk kontratuaren gauzatzearekin jarraitu ahalko du, bere kabuz edo hirugarren baten eskutik.

Horrek guztiak ez du kaltetuko bidezkoa den kontratuaren ondorengo likidazio ekonomikoa, jarraian ezarritakoaren arabera.

Klausula honetan adierazitako kausengatik nahiz legezko litekeen beste edozeinengatik suntsiarazitako kontratutik ondoriozta litezkeen erantzukizun ekonomikoak behin kontratua suntsiarazita eta dokumentazioa eta dagozkion lanak entregatu ondoren likidatuko dira; horrek ez du eragotziko, ordea, GHKk hura gauzatzen jarraitu ahal izatea.

Suntsiarazpen kasu guztietan, kontratistak printzipioz egin dituen lan guztien prezioa jasotzeko eskubidea izango du.

Kontratua kontratistaren erruz bete ez delako suntsiarazten denean, GHKren alde, bidezkoak diren gainerako kalte-galeren kalte-ordainez gain, kontratuaren

prezioaren % 20ari dagokion zenbatekoa sortuko da eta hori metatu ahal izango da.

Bi zenbatekook behin betiko bermetik eta kontratistari ordaintzeko falta den prezioetik kenduko dira; gainerakoari dagokionez, halakorik balego, dagokion erreklamazioa egingo litzateke.

Klausula honetan aurreikusten ez den guztian, SPKLTBko 224, 225 eta 309. artikuluetan ezarritakoa aplikatuko da.

## I. ERANSKINA. ARDURAPEKO ADIERAZPENAREN EREDUA

.....  
jaunak ..... bere izenean edo (adierazi ordezkari-  
ahalmena: administratzaile bakar, ahalordedun) gisa, .....  
..... enpresaren (IFK ..... ) ordezkartzan, .....  
..... zk.ko NAN duenak, bere izenean

### ADIERAZTEN DU

- Bai berak, bai ordezkatzan duen enpresak, Administrazioarekin kontratuak egiteko ahalmena dutela, jarduteko gaitasun osoa dutelako eta ez daudelako sartuta **SPKLTBko 60. artikuluan** aurreikusten diren egoeretan. Bereziki eta berariaz adierazten du ez duela zigor irmorik jaso laneko segurtasun eta osasunaren arloan arau-hauste oso larria egiteagatik, SPKLTBko 60.1. artikuluan ezarritakoaren arabera.
- Zerga-betebeharretan eta Gizarte Segurantzakoetan egunean dagoela, indarrean dauden xedapenek ezarri bezala eta **Herri Administrazioen Kontratuen Legearen Erregelamendu Orokorreko 13. eta 14. artikuluek** aurreikusten duten neurrian (urriaren 12ko 1098/2001 ED).
- **Jarduera Ekonomikoen gaineko Zergan alta emanda dagoela** kontratuaren xedeari dagokion epigrafean eta ez duela baja eman zerga horren matrikulan.

Eta jasota gera dadin eta dagozkion ondorioak izan ditzan, ardurapeko adierazpen hau sinatzen dut Hernanin, 2016ko ..... ren. ....  
.....(e)an.

Sin.: **(ENPRESAREN ZIGILUA)**

## II. ERANSKINA. PROPOSAMENA GHK-KO SARRERA-ERREGISTROAN ENTREGATZEKO EREDUA

..... jaunak/andreak, ..... zk.ko NAN duenak, bere izenean edo, kasua bada, ..... enpresaren, IFZ zk....., helbidea .....(e)n, fax zk. .... eta/edo helbide elektronikoa..... dituenaren ordezkartzan

ADIERAZTEN DU:

Gaur, .....e(t)an **(\*)"GIPUZKOAKO ENERGIA BALORIZAZIORAKO PLANTAREN DISEINUA ETA LIZITAZIOA OBRA PUBLIKO GISA EGITEKO AHOLKULARITZA JURIDIKOAREN ZERBITZU KONTRATUA"**ren lizitaziorako kontratazio-espediterako proposamena aurkeztu duela.

Hernanin, 2016ko .....ren ....(e)an

Sin.:

(Aurkezlearen sinadura)

### III. ERASKINA. ENPRESA ATZERRITARREN ADIERAZPENA

“.....  
jaunak/andreak, helbidea .....  
.....  
..... (e)n, ..... zk.ko NAN, .....  
telefonoa eta ..... helbide elektronikoa dituenak, gaitasun juridiko  
eta jarduteko gaitasun erabatekoaren jabe izanik, bere izenean (edo  
.....,  
helbidea .....(e)n, eta  
NAN edo IFK zk. .... [persona fisikoa edo juridikoa den kontuan  
izanda] dituenaren ordezkartzan), **"GIPUZKOAKO ENERGIA BALORIZAZIORAKO  
PLANTAREN DISEINUA ETA LIZITAZIOA OBRA PUBLIKO GISA EGITEKO  
AHOLKULARITZA JURIDIKOAREN ZERBITZU KONTRATUA"**ri buruzko  
prozedura negoziatu publizitadedunaren bidezko lizitazioan parte hartzeko GHKk  
egindako gonbita jasota,

#### ADIERAZTEN DU

- 1.- Kontratutik zuzenean edo zeharka etor litezkeen gorabehera guztietan Espainiako edozein motatako epaitegi eta auzitegien mende jartzen dela eta, hala dagokionean, lizitatuazileari atzerrian egokitu dakiokkeen foru jurisdikzionalari uko egiten diola.
- 2.- Europar Batasunetik kanpoko atzerriko enpresa bada, Espainian sukurtsal bat irekia duela egiaztatzen duela, egin beharreko eragiketarako ahalordedunak edo ordezkariak izendatuta dauzkala, eta Merkataritza Erregistroan inskribatuta dagoela.
- 3.- Konpromisoa hartzen duela dokumentazioa gaztelaniara edo euskarara ofizialki itzulita aurkezteko, HAKLEOko 23. artikuluan xedatutakoaren arabera.

Eta jasota gera dadin eta behar den ondorioak izan ditzan, ardurapeko adierazpen hau sinatzen du 2015eko \_\_\_\_\_ren \_\_\_\_\_(e)an.

Sin.: \_\_\_\_\_

#### IV. ERANSKINA. KOMUNIKAZIOETARAKO HELBIDE ELEKTRONIKOA(K)

.....  
jaunak/andreak, adin nagusikoak, helbidea. .... (e)n  
eta ..... zk.ko NAN dituenak, .....  
.....ren, sozietatearen egoitza .....  
.....(e)n eta ..... zk.ko IFK  
dituenaren, izenean eta ordezkartzan,

#### AZALTZEN DU

Ondorio guztietarako, eta bereziki dokumentazio administratiboko akatsak zuzentzeko eskaerak jasotzeko, helbide elektronikoa hau(ek) izendatzen d(it)uela:

(Bat baino gehiago jar daitezke)

Helbide elektronikoa horretara edo horietara dokumentazio- edo informazio-eskaerak bidaltzeak hasiera emango dio baldintza-agiri honetan ezarritako epea zenbatzeari, zehazki, baldintza administratiboan agirian adierazitako dokumentazio administratiboa zuzentzeko epeari.

Eta jasota gera dadin eta behar den ondorioak izan ditzan, ardurapeko adierazpen hau sinatzen du 2016ko \_\_\_\_\_ren \_\_\_\_\_(e)an.

Sin.: \_\_\_\_\_

## V. ERANSKINA. PROPOSAMEN EKONOMIKOAREN EREDUA

“..... jaunak/andreak,  
helbidea .....  
..... (e)n,  
..... zk.ko NAN, ..... telefonoa eta  
..... helbide elektronikoa dituenak, gaitasun juridiko eta jarduteko  
gaitasun erabatekoaren jabe izanik, bere izenean (edo  
.....,  
helbidea .....(e)n, eta  
NAN edo IFK zk. .... [pertsone fisikoa edo juridikoa den kontuan  
izanda] dituenaren ordezkartzan), **"GIPUZKOAKO ENERGIA BALORIZAZIO-  
PLANTAREN DISEINUA ETA LIZITAZIOA OBRA PUBLIKO GISA EGITEKO  
AHOLKULARITZA JURIDIKOAREN ZERBITZU KONTRATUA"**ri buruzko prozedura  
negoziatu publizitadedunaren bidezko lizitazioan parte hartzeko GHKk egindako  
gonbita jasota,

### ADIERAZTEN DU:

1. Konpromisoa hartzen duela zerbitzua ondoko prezioan (BEZ gabe) gauzatzeko.  
Horren gehigarri, dagokion BEZa fakturatuko da.
- 2) Prezioan sartuta daudela kontzeptu guztiak, barne hartuz edozein arlo fiskaleko gainerako zergak, gastuak, tasak eta arielak eta baita kontratistaren mozkin industrialak ere.
- 3) Kontratu hau arautuko duten Baldintza Administrazioen Agiria eta Baldintza Teknikoen Agiria ezagutzen dituela eta berariaz bere egiten dituela eta oso-osorik onartzen.
- 4) Berak ordezkatzeko duen enpresak betetzen dituela tributuak eta Gizarte Segurantzaren arloan indarrean dagoen araudiak ezarritako eskakizunak eta betebeharrak guztiak.

Hernanin, 2016ko .....ren.....(e)an.

Sinadura

## VI. ERASKINA. ENPRESEN ESPERIENTZIA TAULA EREDUA

PROIEKTUAREN IZENA	BEZEROA	ESPERIENTZIA-MOTA (EGITURATZEN, EGITURATZEN + LIZITATZEKO LAGUNTZA EMATEN, WASTE TO ENERGY (1), "BESTE BATZUK" (2))	PROIEKTUAREN AZALPEN LABURRA, HORREN EGOERA BARNE (LIZITAZIO-PROZESUAN, ERAIKITZE-PROZESUAN, MARTXAN ETA ABAR).	INBERTSIOAREN ZENBATEKOA / PROIEKTUAREN TAMAINA	SEKTOREA (GARRAIO-SEKTOREA, GIZARTE AZPIEGITURA, UR ETA INGURUMEN-SEKTOREA, BESTELAKOA, BALDIN ETA PROIEKTUA WASTE TO ENERGY /ENERGIA-BALORIZAZIO ESPARRUKOA BADA, HORI ZEHAZTU)	EGINDAKO LANEN AZALPEN LABURRA/AHOLKULARIAREN PAPERA	LANEN HASIERA ETA AMAIERA-DATA	BEZEROAREN HARREMANETARAKO PERTSONA (IZENA, KARGUA, HELBIDE ELEKTRONIKOA ETA TELEFONOA)

(1) Energia berreskuratzeko esparruan aholku- esperientzia, adibidez, arauzko gaiei buruzko aholkularitza, edo enpresa publiko edo tratamendu plantetako kudeatzaile publiko edo pribatuen aholkularitza.

(2) "Beste batzuk", inbertsio aholkularitzak / eragiketa publiko pribatuetan lizitatzea, edota, bankuei aholkularitza ematea, EPPen itxiera finantziarioen due diligence legeletan eta beste esperientzia aipagarriak EPPren finantza itxiera eragiketetan.